

Stadtarchiv Leutkirch

Ratsprotokoll 1575-1600 (Inv.Nr.12)

pag.189 Freitag den .11. Julij (1589)

Hannß Schefoldt von Ambstetten, Gerberhanndtwerckhs, Ist zuo burger angenommen, In die schuchsterZunfft gewißen, vnnd Ime ain gannze Rüstung, sambt ain Lanngen spieß vfferlegt, das soll Er Innerhalb aines monatts haben.

Ratsprotokoll 1575-1600 (Inv.Nr.12)

pag.266 Zinßtag den .9. Aprilis (1594)

Hannßen Muelichs seeligen wittib, Jst der kauff vmb Jr beünd gegen Jren Dochtermann Hannßen Schefoldten dergestalt vergonnth, das Sy Jrem selbst erbieten gemeß, Conrad Muelichs Jres Sons seligen Kündern, drithalb Jauchart Akhers, vmb .100 fl. einhenndig machen, die Sy auch biß vff begebennden fahl Jres Tödtlichen abganngs, one Zinß, nutzen vnnd nießen mög, vnnd dann das der garten, vff künfftigen fahl, Jn gemaine thailung eingeworffen werden soll.

Ratsprotokoll 1632-1635 (Inv.Nr.30)

pag.110 (2.Teil) Zinßtag den 8. Aprilis Ao. 1635

Der Heurath zwischen Jonas Hartmann schuchstern, vnd Anna Hanß Schefolts see: Tochter ist Referirt vnd Ratificirt.

Ratsprotokoll 1638 (Inv.Nr.32)

pag.279 Freytags den 5/15. Octobris ao. 1638.

Jonas vulgo: Sonsten Crispinianus Hartmann Schuster vnnd Vrsula Gräfin Hanß Rhawen with. seind vor Rhat Erschienen, vnd haben Jhren vorhabenden Heurhat fürbringen, vnd der Partmann Jnsonderheit bitten lassen, weil noch Kein ViertelJar fürüber, Er aber gantz Niemanden in seinem Haußweesen hat, daß Ein Er: Rhat die übrige Zeit Jhme nachsehen wolte.

Bescheidt. Die Zeit soll Jhme nachgesehen, vnd der Heurhat Jhnen beeden gut gegeben sein, Sollen über ihre gepflogene Abred, in der Cantzley Einen Heurhats-brieff machen lassen.